

O TARGOVTSOS HEM LESKI TRIN CHHAYA

Khay sas to sas ekh targovtsos. A davka targovtsos isi trin chhaya. Avela vakwti te zhal, te kerel targoviya, te pechelinel khay beekh levos. Khardyas pash peste pe trin chhayan i phenlyas lenge:

– Me iklyav ekh bersh, nay te irirnav. Pheneh so ka mangel te anav tumenge bakshishi.

I bari phen phendyas:

– Baba, mangava te anes mange chaya.

I mashkarni phendyas:

– Baba, me mangava te anes mange ekh kundrws.

A i tsikni manglyas:

– Baba, me mangava te anes mange ekh duli.

Bisminlyahi, chhityas pes upral ko grast. Varmo-chokmo, ekh bresh drom. Kerdas so kerdas, bikindas. Pechelisardas ekh shinikos love. Alo vakwti te irinel pes. Dinyas pes godi: „ Ey, me chhaya phenle te lav lenge bakshishi. Bareke ka lav chaya, I tandzhoskake ka lav kundrws, a tsiknere ka lav dyuli.“

Lyas chaya, lyas kundres, a kate te rodel gyuli, a kute te rodel gyuli, nanay gyuli. I bilo isi tal phuvyate.

– I kate te arakhav dyulya thay mozhe I bez dyulya.

Ama i chhai, kana inkisto phenlyas leske:

– Shun baba, me mangava tutar dyuli. Ako tu mange nashti anesa dyuli anglal tute te avel akaralwkos, a pal tute bilyakos.

Lel o dat, del pes holi.

– Phu-u-u, anaswnw siktimini! Sar sani arman dori dinyas man!

Rosto ekh baro karachi, te phenas bryasti, karachi romanes. Duy dzhene te das les angali. Da, ama pal leste zagrardime ekh gradinka. Andre dyula khay dikhlyas.

– Anaswnw siktimini, akwtay li i dyula.

Bez te hulyal tal ko grast, sar ulo mashkar i dyula, hem e bare dulya, chhindyas les. A-a-a, sar chhindyas les trin kalkws rat thavdindyas. Ha uthe ekh grwmotevitsa o grastes vazdindyas ande polena. Burya. Karalwkos achhilo.

Hulel leske ekh manush. Samo kay ka dikhes les, leskeri dar, te peres te meres.